



Samstarfssamningur

Landspítala

og

Sjúkrahússins á Akureyri

um

sérnám í læknisfræði



Samstarfssamningur á milli Landspítala og Sjúkrahússins á Akureyri um sérnám í læknisfræði

1. grein: Samstarfsaðilar

1.1 **Samstarfsaðilar:** Samstarfssamningur þessi varðar formlegt samstarf eftirfarandi aðila:

- a) Landspítali, Skaftahlíð 24, 105 Reykjavík (Landspítali)
- b) Sjúkrahúsið á Akureyri, Eyrarlandsvegur, 600, Akureyri (SAk)

2. grein: Bakgrunnur og grundvöllur sérnáms og samstarfssamnings

2.1 **Bakgrunnur:** Á undanförunum árum hefur mikil þróun átt sér stað í uppbyggingu sérnáms lækna á Íslandi. Lögð hefur verið áhersla á þróun sérnáms í öllum stærstu greinum lækninga í samræmi við viðurkennda alþjóðlega staðla. Samstarfið var formgert með samningi til tveggja ára 13. nóvember 2019. Með endurnýjun þess samnings nú eru ábyrgð og skyldur beggja aðila samþykktar eins og þær koma fram í samstarfssamningi þessum og viðaukum hans.

2.2 **Grundvöllur:** Sérnám í öllum greinum læknisfræði skal fara fram samkvæmt gildandi reglugerð um menntun, réttindi og skyldur lækna og skilyrði til að hljóta almennt lækningaleyfi og sérfræðileyfi (reglugerð 467/2015). Sérnám fer fram samkvæmt marklýsingu hverrar einstakrar greinar og á þeim deildum Landspítala og SAK sem samþykktar hafa verið af mats- og hæfisnefnd, sem starfar á forræði heilbrigðisráðuneytis skv. ofangreindri reglugerð. Samningur þessi byggist einnig á 6. grein samstarfssamnings Landspítala og SAK um fræðslu-, kennslu- og gæðastarf þar sem kveðið er á um samstarf stofnananna um almennt nám og sérnám heilbrigðisstétta.

2.3 Stofnanir skuldbinda sig til samhæfingar varðandi gæði náms og framkvæmd þess.

3. grein: Umsjón og framkvæmd

3.1 Yfirumsjón með allri umsýslu og framkvæmd þessa samnings á Landspítala er í höndum yfirlæknis sérnáms á Landspítala. Yfirumsjón með allri umsýslu á SAK og framkvæmd þessa samnings fer deild mennta- og vísinda í umboði

framkvæmdastjóra lækninga. Kennslustjórar bera ábyrgð á framkvæmd sérnáms í samvinnu við forstöðumenn eininga beggja stofnana í samræmi við gildandi starfslýsingu kennslustjóra sérnáms í læknisfræði (viðauki 1). Tryggt skal að á hvorum stað starfi í það minnsta einn meðlimur kennsluráðs hverrar þeirrar greinar þar sem sérnám fer fram á báðum stöðum.

- 3.2 Samningur þessi lýsir umgjörð og framkvæmd samstarfs stofnananna í sérnámi í mismunandi greinum læknisfræði. Þegar tekin er ákvörðun um samstarf innan ákveðinnar greinar, undirrita viðeigandi kennslustjórar og ábyrgðarmenn sérnáms samstarfsyfirlýsingu (viðauki 2) og skuldbinda sig þar með til að fylgja þessum samningi.
- 3.3 Ef samvinna hefur verið staðfest milli Landspítala og SAK um sérnám í viðkomandi sérgrein, er gert ráð fyrir að sérnámslæknar vinni á báðum stöðum nema ef sérstakar aðstæður leyfa það ekki. Sérnámslæknar starfa að jafnaði í 4-12 mánuði á SAK í samræmi við samþykktir mats- og hæfisnefndar, innan þeirra greina þar sem samstarf hefur verið samþykkt og slíkt skilgreint samkvæmt samstarfsyfirlýsingu (viðauki 2).
- 3.4 Þess skal gætt að framkvæmd taki til allra þátta sérnáms hverrar sérgreinar og marklýsingar hennar á öllum námsstöðum. Hér er átt við skipulag handleiðslukerfis, matskerfis, notkun skráningarkerfis, kennslu og mats á framgangi.

4. grein: Ráðningarferli, ráðningasamningur og kjör sérnámslækna

- 4.1 **Ráðningaferli og ráðningasamningur:** Lausar stöður sérnámslækna eru auglýstar árlega á vegum Landspítala. Að undangengnu stöðluðu ráðningarferli í samræmi við handbók um mannauðsmál og sérnám lækna á Landspítala (viðauki 3) er gerður tímabundinn ráðningasamningur við Landspítala. Ef samvinna hefur verið staðfest milli Landspítala og SAK um sérnám í viðkomandi sérgrein er gert ráð fyrir að sérnámslæknir vinni á báðum stöðum nema sérstakar aðstæður leyfi það ekki. Skal það tekið fram í auglýsingu og ráðningasamningi og í það minnsta einn fulltrúi SAK skal taka þátt í ráðningarferli. Þegar sérnámslæknir hefur störf á SAK fer hann í launalaust leyfi frá Landspítala og gerður er tímabundinn ráðningasamningur við SAK.
- 4.2 Leitast skal við að skipulag og tímasetning námsstaða skuli liggja fyrir ekki síðar en þremur mánuðum fyrir upphaf starfa á ári hverju.
- 4.3 **Kjör sérnámslækna:** Sérnámslæknir þiggur laun og önnur réttindi samkvæmt gildandi kjarasamningi Læknafélags Íslands og fjármála- og efnahagsráðherra f.h. ríkissjóðs. Almenn ákvæði kjarasamninga og laga um réttindi og skyldur starfsmanna ríkisins gilda á meðan á ráðningasambandi við sérnámslækni stendur. Landspítali

greiðir öll laun og kostnað fyrir þann tíma sem sérnámslæknir starfar þar og SAK allan kostnað fyrir þann tíma sem sérnámslæknar starfa þar. Hvor stofnun greiðir ferðakostnað og námskeiðsgjöld vegna námsferða samkvæmt 8. kafla kjarasamnings en fjarvistir því samfara eru leystar innan þeirrar stofnunar sem sérnámslæknir starfar á þegar ferðin er farin. Leitast skal við að gæta jafnræðis við veitingu slíkra leyfa miðað við lengd námsdvalar á hvorum stað, þannig að ekki halli á aðra stofnunina í heildina.

Áunnið staðarvaktarfrí, viðbótarfrí og frí vegna hvíldartímabrota og áunnið orlof skal tekið út eða gert upp á þeirri stofnun þar sem til þeirra stofnast. Þegar sérnámslæknir sem ráðinn hefur verið í sérnámsstöðu á forræði Landspítala hefur störf á SAK fer hann í launalaust leyfi frá Landspítala en heldur áunnum réttindum þar. Ferðakostnaður á milli stofnana vegna vistaskipta er í öllum tilvikum borinn af starfsmanni sem og kostnaður vegna uppihalds í Reykjavík og á Akureyri, nema slíkt sé tekið fram í sérstöku samkomulagi við starfsmann við ráðningu.

5. grein: Ábyrgð og skyldur samstarfsaðila

5.1 Við undirritun samstarfssamnings þessa skuldbinda samstarfsaðilar sig til að:

- 5.1.1 Greiða laun og annan launatengdan kostnað sem tekur til þess tíma sem sérnámslæknir er í vinnu á viðkomandi stofnun
- 5.1.2 Tryggja í sameiningu að hver og einn sérnámslæknir hafi nafngreindan sérnámshandleiðara
- 5.1.3 Hver og einn sérnámslæknir hafi nafngreindan klínískan handleiðara fyrir hverja starfsstöð
- 5.1.4 Tryggja að allir klínískir handleiðarar og sérnámshandleiðarar hafi lokið viðeigandi handleiðsluþjálfun
- 5.1.5 Tryggja að sérnámslæknar hafi viðeigandi tækifæri til að uppfylla hæfnikröfur marklýsingar fyrir þann tíma sem sérnámslæknir starfar á viðkomandi stofnun og í samvinnu fyrir sérnám í heild
- 5.1.6 Tryggja að sérnámslæknar hafi viðeigandi aðgang að ráðgjafar-og stuðningsteymi og heilsuvernd eins og við á ef upp koma vandamál
- 5.1.7 Tryggja að sérnámslæknar hafi tækifæri til að taka þátt í þeirri kennslu sem skipulögð er innan hvernar greinar, eins og krafa er gerð um í marklýsingu og framgangskröfum. Ávallt skal nýta fjarfundabúnað ef því verður við komið.
- 5.1.8 Tryggja að viðeigandi fjarfundarbúnaður sé fyrir hendi, til samnýtingar kennslu-og námstækifæra

- 5.1.9 Taka þátt í gæðaúttektum á sérnámi í samræmi við reglugerð um sérnám lækna
- 5.1.10 Tryggja aðgöngu að búnaði til notkunar viðeigandi skráningarkerfi sérnáms (ePortfolio eða á pappírsformi)
- 5.1.11 Taka viðeigandi þátt í öðrum kostnaði sem fylgir sérnámi lækna á viðkomandi sviði, svo sem hlutfallslega þátttöku í kostnaði við alþjóðlegt samstarf. Þetta skal gert samkvæmt samkomulagi kennslus tjóra greina og ábyrgðaraðila sérnáms á Landspítala og SÁk. Kostnaður skal gerður upp í lok hvers námsárs (fyrir 31.ágúst ár hvert)

6. grein: Uppsagnarákvæði

- 6.1 Ef vanefndir verða á samstarfssamningi þessum og/eða ágreiningur verður um efndir samningsins, skulu aðilar leitast við að jafna ágreininginn og ná fram sáttum, ella er hvorum aðila heimilt að rifta samstarfssamningi þessum með tólf mánaða fyrirvara.

7. grein: Gildistími og endurskoðun

- 7.1 Samkomulag þetta gildir frá og með 1.1.2023 til og með 31.12.2026 og skal þá endurkoðast.

F.h. Landspítala

F.h. Sjúkrahússins á Akureyri

Runólfur Pálsson
forstjóri

Hildigunnur Svavarsdóttir
forstjóri